

## ГИХГ-ЫН БУЯНТ-УХАА ДАХЬ ГАЗРААС 2018 ОНЫ ЗУРГААДУГААР САРД ХИЙЖ ГҮЙЦЭТГЭСЭН ҮЙЛ АЖИЛЛАГААНЫ ТАЙЛАН

2018 оны 06 дугаар сарын 15

Буянт-Ухаа

Тус газар нь Гадаадын иргэний эрх зүйн байдлын тухай, Харьяатын тухай, Засгийн газрын 2010 оны 338, 340 дүгээр тогтоолоор баталсан “Монгол Улсын виз олгох журам”, “Гадаадын иргэн Монгол Улсад оршин суух болон түүнийг бүртгэх журам” болон тэдгээрт нийцүүлэн гаргасан бусад эрх зүйн актуудыг удирдлага болгон иргэнд хөнгөн шуурхай, чирэгдэлгүй үйлчлэхэд анхаарч 2018 оны 05 дугаар сарын 26-наас 2018 оны 06 дугаар сарын 15-ны өдрүүдэд дараах ажлыг хийж гүйцэтгэлээ.

### Нэг. Үндсэн үйл ажиллагааны хүрээнд

#### 1.1. Монгол Улсын виз, бүртгэлийн талаар:

Тайлант хугацаанд нийт 66 орны 447 гадаадын иргэнд зохих ангилал, зориулалтын визийг олгосон бөгөөд үүнээс визийн шилжүүлэг 18 хийсэн байна. Үүнд, нэг удаагийн орох 399, хоёр удаагийн орох 0, олон удаагийн орох 11, нэг удаагийн гарах-орох 8, хоёр удаагийн гарах-орох 0, олон удаагийн гарах-орох 9, дамжин өнгөрөх 2, түр ирэгчийн бүртгэл 32, хасалт 35, оршин суух зөвшөөрлийн хасалт 6, визийн засвар 29, хүчингүй болгосон виз 1 байна.

#### 1.2. Хил нэвтрүүлэлгүй буцаасан иргэдийн талаар:

Тайлант хугацаанд Монгол Улсын виз, визийн зөвшөөрөлгүй, ирсэн зорилгоо тодорхойлж чадаагүй зэрэг үндэслэлээр Афганистан 1, Филиппин 1, БНСУ-ын 3, Иран 1, нийт 6 гадаадын иргэнийг Монгол Улсын хилээр оруулаагүй буцаасан ба гарах визгүй, аж ахуйн нэгжийн албан бичиггүй зэрэг үндэслэлээр Филиппин 1, Япон 1, нийт 2 гадаадын иргэнийг Монгол Улсын хилээр гаргаагүй болно.

Харин шүүх, прокурор, ШШГЕГ-ын хүсэлтийн дагуу Монгол Улсаас гарахыг түдгэлзүүлсэн гадаадын иргэн байхгүй байна.

#### 1.3. Захиргааны арга хэмжээ авсан талаар:

Тайлангийн хугацаанд бүртгэлийн талаар тогтоосон журам зөрчсөн, визийн хугацаа хэтрүүлсэн, оршин суух журам зөрчсөн зэрэг үндэслэлээр 15 гадаадын иргэнд 2`700`000 төгрөг, 1 аж ахуйн нэгжид /хамрагдсан гадаадын иргэн 1/ 20`000 төгрөгийн торгуулийн арга хэмжээ авч, зөрчлийг арилган, зөвлөгөө мэдээлэл өгч ажиллалаа.

#### 1.4. Монгол Улсаас албадан гаргасан гадаадын иргэний талаар:

Тайлант хугацаанд Монгол Улсаас албадан гаргасан гадаадын иргэн байхгүй болно.

#### 1.5. Гадаадын иргэдэд тавих хяналт шалгалтын хүрээнд:

ГИХГ-ын Буянт-Ухаа дахь газрын даргын баталсан БУ2018-06 дугаартай удирдамжийн хүрээнд төлөвлөгөөт хяналт шалгалтыг 2018.06.04-ний өдөр Төв аймгийн Алтанбулаг сумын 2 дугаар баг Бөхөг гэх газарт байрлах “Энгүүн Оргил”

ХХК болон “Наран төмөр” ХХК-ний байранд хийж гүйцэтгэв. Шалгалтаар нийт 1 орны 28 гадаадын иргэн хамрагдсан. Хяналт шалгалтаар зөрчил илрээгүй бөгөөд дүнг тус газрын даргад 2018.06.06-ны өдөр илтгэх хуудсаар танилцуулав.

Харин ГИХГ-ын Буянт-Ухаа дахь газрын даргын баталсан БУ2018-07 дугаартай удирдамжийн хүрээнд төлөвлөгөөт бус хяналт шалгалтыг 2018.06.12-ны өдөр Төв аймгийн Баянцогт сумын Гуна багт үйл ажиллагаа явуулдаг “Лакибридж” ХХК-ийн ногооны хүлэмжинд явуулав. Хяналт шалгалтад 1 орны 6 гадаадын иргэн хамрагдсан бөгөөд паспорт, паспортыг орлох баримт бичиг, оршин суух үнэмлэхээ биедээ авч яваагүй БНХАУ-ын 1 иргэнд Зөрчлийн тухай хуульд заасны дагуу торгуулийн арга хэмжээ авч, дүнг тус газрын даргад 2018.06.13-ны өдөр илтгэх хуудсаар танилцуулав.

Энэ сард бичиг баримтын хуурмаглал шалгах төхөөрөмжийг ашиглан нийт 72 гадаадын иргэний бичиг баримтыг шалгав.

#### 1.6. Иргэний харьяаллын талаар:

Хоёрдмол харьяалал үүсгэсэн 2 иргэнээр өргөдөл-анкетыг бөглүүлэн холбогдох баримт бичгийг хуулбарлан авч Харьяатын газарт хүргүүлсэн. Үүнд: Белги Улсын иргэн Baatar Oyuntuuya /1975.02.21 эм, EN430017/ Итали Улсын иргэн Tsambasuren Munkhjargal /1972.05.28 эм, YB3204488/

1.7. Ярилцлагын тэмдэглэл болон баталгаа гаргуулан хил нэвтрүүлсэн талаар:

Монгол улсад визгүй зорчигч гадаадын иргэн, хөдөлмөр эрхлэх магадлалтай 9 орны 106 иргэнтэй ярилцлага хийж бичиг баримтыг хуулбарлан хилээр гарсан байдалд хяналт тавьж бүртгэл хөтөлсөн болно. Үүнд: Украин 14, Киргиз 13, Филиппин 50, Казакстан 20, Израиль 3, БНЭУ-1, Тайланд 1, БНСВУ 3, БНХАУ 1.

#### Хоёр. Дотоод ажлын хүрээнд

##### 2.1. Тушаал, төлөвлөгөө, түүний хэрэгжилтийн талаар:

Тайлант хугацаанд тус газрын дарга 2 тушаал батлан гаргасан ба тус газар 2018 оны зургаадугаар сард хийх ажлын төлөвлөгөөнд нийт 32 арга хэмжээг хэрэгжүүлэхээр тусгасан бөгөөд 97 хувийн биелэлттэй гарлаа.

Төвөөс өгсөн үүргийн дагуу тус газрын үндсэн үйл ажиллагааны талаарх хоногийн мэдээг гаргаж өдөр бүр, байгууллагын даргын батлан гаргасан албан даалгаврын биелэлт, сахилга хариуцлага, дэг журмыг чангатгах талаар хэрэгжүүлэх ажлын төлөвлөгөөний биелэлт, байгууллагын даргатай 2018 онд байгуулсан тус газрын даргын үр дүнгийн гэрээний биелэлтийг дүгнэх илтгэх хуудсыг гаргаж 11-ний өдөр, инфографик мэдээнд тусгах Буянт-Ухаа дахь газрын статистик тоог өмнөх оны мөн үетэй харьцуулан гаргаж 15-ны өдөр, БОНХ-т хүргүүлсэн.

Мөн Монгол Улсад зорчиж буй гадаадын иргэн, тэдгээрийг уригч аж ахуйн нэгж, байгууллагуудад салбарын холбогдох хууль тогтоомж, дүрэм журмыг сурталчилан таниулах, гэмт хэргээс урьдчилан сэргийлэх ажлын хүрээнд Буянт-Ухаа боомтод өдөр бүр ГИХГ /төв/-аас Монгол, Англи хэл дээр бэлтгэн ирүүлсэн хэвлэмэл хуудсыг тарааж, видео шторкийг нислэгтэй үед тусгайлан бэлтгэсэн дэлгэц дээр гарган мэдээллээр ханган ажилласан.

Буянт-Ухаа дахь Чингис хаан олон улсын нисэх буудлын үйл ажиллагааг Хөшигийн хөндийн шинэ нисэх буудалд нүүлгэн шилжүүлэх ажиллагааны төлөвлөгөөний дагуу тус газарт хувиарласан 4 өрөөнд дотоод сүлжээ болон утасны сүлжээ оруулсантай холбогдуулан ГИХГ-ын Мэдээллийн технологийн хэлтсийн албан хаагчдын хамт 2018.05.28-ны өдөр системийн холболтын ажлыг шалгахад тус газрын харьяа өрөөнд интернет, IP утасны 2 сүлжээ орсон ба хэвийн ажиллаж байна.

Түүнчлэн АӨЗ-ны албатай хамтран 2018.06.13-ны өдөр тус газрын 3 албан хаагч шинэ нисэх буудал дахь Хилийн хяналт шалгалтын баталгаажсан бүс, хяналт шалгалтын ерөнхий зарчим болон тус газар байрлахаар төлөвлөсөн ирэгч, явагчийн танхим дахь өрөөтэй танилцав.

Төв аймаг дахь Цагдаагийн газартай 2018 онд хамтран ажиллах төлөвлөгөөний дагуу Буянт-Ухаа дахь газар нь тус аймгийн нутаг дэвсгэрт оршин сууж буй гадаадын иргэн болон Гадаадын иргэний эрх зүйн байдлын тухай хуульд заасан зөрчил гаргаж захиргааны шийтгэл ногдуулсан болон албадан гаргаж, орохыг хориглосон гадаадын иргэний талаарх мэдээллийг "ISM" сүлжээнээс шүүж Төв аймгийн Цагдаагийн газарт хүргүүлсэн болно.

## 2.2. Албан хэрэг хөтлөлт, өргөдөл, гомдлын талаар:

Бичиг хэрэгт 11 албан бичиг ирсэнийг бүртгэлжүүлэн холбогдох албан хаагчид хүлээлгэн өгч, хариутай 4 албан бичгийн шийдвэрлэлтэд хяналт тавин ажилласан ба 9 албан бичиг боловсруулж холбогдох байгууллагад хүргүүлэв.

Энэ сард тус газрын 1 албан хаагчаас ирүүлсэн өргөдлийг хүлээн авч шийдвэрлэн, хариуг хүргүүлсэн бол иргэн, ААН, байгууллагаас гаргасан өргөдөл, гомдол байхгүй болно.

Тус газрын цаасан суурьтай баримтыг цахим хэлбэрт шилжүүлэх ажлын хүрээнд Буянт-Ухаа дахь газрын даргын батлан гаргасан тушаал, тус газарт ирсэн, явсан албан бичиг, тус газрын энэ сарын төлөвлөгөө, түүний биелэлт, тайланг сканердаж цахим хэлбэрт шилжүүлсэн.

## 2.3. Хүний нөөц, сургалтын талаар:

ГИХГ-ын даргын 2017 оны Б/51-р тушаалаар тус газрын батлагдсан орон тоо 29 бөгөөд одоо ажиллаж буй 26, хүүхэд асрах чөлөөтэй 2 албан хаагч байгаа ба 3 албан хаагч баталсан хуваарийн дагуу ээлжийн амралтаа эдэлж байна.

Байгууллагын даргын 2018 оны Б/177 дугаар тушаалаар тус газарт шинээр томилогдон ирсэн 1 албан хаагчийн талаарх мэдээллийг Төрийн албаны зөвлөлийн цахим програмд шивж оруулсан. Түүнчлэн тус програмд шинээр зэрэг дэв гэсэн цонх нээгдсэнтэй холбогдуулан төрийн захиргааны 21 албан хаагчийн мэдээллийг оруулав.

Албан даалгавар биелүүлээгүй, албан үүрэгтээ хайхрамжгүй хандан ажлын алдаа дутагдал гаргасан тус газрын 1 хяналтын улсын байцаагчид байгууллагын даргын 2018.05.30-ны өдрийн Б/170 дугаар тушаалаар тус албан хаагчийн албан тушаалын цалинг 3 сарын хугацаанд 20 хувиар бууруулах сахилгын арга хэмжээ авсан байна.

Тайлант хугацаанд төв болон тус газраас зохион байгуулсан дараах сургалтуудад албан хаагчид хамрагдав. Үүнд:

- Төвөөс 2018.06.08, 11-ний өдрүүдэд зохион байгуулсан Засгийн газрын 2018 оны 145, 146, 147 дугаар тогтоолоор баталсан журмууд болон “Зохион байгуулалт захирамжлалын баримт бичиг” сэдэвт сургалтуудад 23 албан хаагч хамрагдав.

- Тус газраас “Мансууруулах эм, сэтгэцэд нөлөөт бодисын хууль бус эргэлттэй тэмцэх, урьдчилан сэргийлэх”, “Гэр бүлийн хүчирхийлэлийн тухай ойлголт, түүнээс урьдчилан сэргийлэх”, “Төрийн албан хаагчийн харилцааны соёл, ёс зүйн зөрчлөөс урьдчилан сэргийлэх” чиглэлээр 2018.06.11-ний өдөр 23 албан хаагчдад сургалт зохион байгуулж Нийслэлийн цагдаагийн газрын 4 албан хаагч, Төрийн албаны зөвлөлийн 1 шинжээч ирж мэдээлэл хийн, харилцан ярилцав. Сургалтаар албан хаагчдад мансууруулах бодисын хууль бус эргэлтийн нөхцөл байдал, шинээр аюул, заналхийлэл учруулж буй шинэ төрлийн сэтгэцэд нөлөөт бодис, гэр бүлийн хүчирхийлэл үйлдэгдэж буй шалтгаан, өнөөгийн байдал, урьдчилан сэргийлэх арга зам, төрийн албан хаагчийн ёс зүйн зарчим, ёс зүйн зөрчлийг шийдвэрлэх талаар ярилцав.



- Байгууллагын даргын 2018.06.06-ны өдрийн А/195 дугаар ташуулын дагуу тус газрын 6 албан хаагч Зүүн бүс дэх газрын Баянхошуу боомтод 2018.06.14-өөс 19-ний өдрүүдэд зохион байгуулагдах ГИХГ-ын удирдах албан тушаалтан болон хяналтын улсын байцаагч нарын тэргүүн туршлага солилцох зөвлөгөөнд оролцож байна.

#### 2.4. Санхүү, хангалт үйлчилгээний ажлын талаар:

Тайлант хугацаанд батлагдсан төсвийг зохих зардлын дагуу зарцуулан өр, авлагагүй ажилласан ба холбогдох мэдээллийг шилэн дансанд байршуулсан.

Батлагдсан төсөв болох өссөн дүнгээр 281,223,900 төгрөгийн санхүүжилт орсноор цалин хөлсөнд 142,010,612 төгрөг, ажил олгогчоос нийгмийн даатгалын шимтгэл 17,397,177 төгрөг, ХУД-т цалин хөлснөөс суутгасан ашгийн татварт 11,410,476 төгрөг, хангамж, бараа материалын зардалд 12,216,810 төгрөг зарцуулж өглөг авлага үүсгээгүй ажиллалаа.

Төсвийн гүйцэтгэлийн мэдээг 2018.06.02-ны дотор гарган ХУД-ийн төрийн сангаар баталгаажуулан ГИХГ-ын Санхүүгийн хэлтэст хүргүүлсэн. Мэдээгээр 227,705,600 төгрөгийн урсгал санхүүжилт орсоноос нийт зарлага 184,716,490 төгрөгийн ажил үйлчилгээ явуулж өглөг авлагагүй ажилласан. НДШ-ийн тайлан гарган 2018.06.05-ны дотор НДХ-т хүргүүлэн тооцоо нийлэв.

Албан хаагчдад үнэт цаас болох визийн хуудас 300 ширхэгийг шаардах хуудасны дагуу олгосон. Түүнчлэн авто машины ашиглалт болон шатах тослох материалын тооцоог жолооч дэвтэрт бичилтийг хийн бүртгэл хөтлөв.

Хангамж, бараа материалын зардалд 12,216,810 төгрөгийн худалдан авалт хийж, албан хаагчдыг шаардлагатай бараа материалаар хангаж ажилласан.

Албан хэрэгцээнд ашиглаж байгаа суурин утас болон интернетийн төлбөрт 1,684,508 төгрөг, байрны түрээс 8,820,000 төгрөг харилцагч байгууллагын нэхэмжлэхийн дагуу холбогдох данс руу шилжүүлсэн болно.

Визийн тэмдэгтийн хураамж 151,062,440 төгрөг, визийн хуудас 22,389,540 төгрөгөөр тайлан нэгтгэн Хяналтын улсын байцаагч нартай тооцоо нийлэн ГИХГ-ын Санхүүгийн хэлтэст хүргүүлсэн.

Бараа материалын болон шатахууны тайланг гаргахдаа Нягтлан бодох бүртгэлийн хуулийн дагуу анхан шатны баримтыг бүрдүүлэн гаргасан ба хянуулж баталгаажуулсан.

Түлш шатах тослох материалд өссөн дүнгээр 1,663,600 төгрөгний зарцуулалт гаргаж тайлагнасан байна.

Тус газрын даргын баталсан 2018.06.04-ний өдрийн А/13 дугаар тушаалын дагуу Буянт-Ухаа дахь газрын үндсэн болон эргэлтийн хөрөнгийн 2018 оны эхний хагас жилийн тооллогыг 2018.06.04-өөс 08-ны өдрүүдэд явуулж бүртгэл хөтөлсөн бөгөөд дүнг тус газрын даргад мөн сарын 12-ны өдөр танилцуулсан.

Тус газрын 26 албан хаагч, хүүхэд асрах чөлөөтэй 2 албан хаагчийн нийгмийн даатгал, эрүүл мэндийн даатгалын дэвтэрт холбогдох бичилтийг хийж Хан-Уул дүүргийн Нийгмийн даатгалын хэлтсээр баталгаажуулав.

Үйлчилгээнд явж буй автомашины цэвэрлэгээ үйлчилгээг тогтмол хийн хэвийн ажиллагааг ханган ажиллаж, батлагдсан маршрутын дагуу албан хаагчдыг тээвэрлэж, замын хуудсыг бөглөн санхүүтэй тооцоо нийлж ажиллав.

#### 2.5. Мэдээллийн технологийн чиглэлээр:

Дотоод сүлжээ, техник хэрэгслийн 8 дуудлага хүлээн авч засварлан хэвийн ажиллагаанд оруулсан.

Тус газрын ашигладаг “ISM” сүлжээ 2018.06.04-ний өдрийн 20:15 цагт тасарсантай холбогдуулан “IP” хаягийг сольж 192.168.197.240 хаяг болох Цахилгаан холбооны сүлжээ рүү шилжүүлэн 20:20 цагт хэвийн ажиллагаанд оруулсан. Түүнчлэн “ISM” сүлжээ 2018.06.05-ны өдөр 20:10–22:40 цагийн хооронд тасарсантай холбогдуулан тус газар дотоод зохион байгуулалт хийж, нэмэлтээр 3 албан хаагчийг ажиллуулан Буянт-Ухаа боомтод ирэх чиглэлд зорчсон 138 гадаадын иргэн, явах чиглэлд зорчсон 73 гадаадын иргэнийг нэг бүрчлэн шалгаж, тэмдэглэл хөтөлж ажиллалаа.

Буянт-Ухаа боомтод дээр дурдсан өдрүүдэд сүлжээ тасарсантай холбогдуулан авч хэрэгжүүлсэн арга хэмжээний талаар байгууллагын даргад танилцуулж ажиллав.

Үүнээс гадна интернет сүлжээнд холбогдсон компьютерийн олон нийтийн сүлжээ, онлайн тоглоомын болон видео сан бүхий сайтууд /Facebook, Twitter, Youtube, Instagram, Steam гэх мэт/-ыг хаалгасан.

#### Гурав. Бусад

Буянт-Ухаа дахь газар нь дотоод үйл ажиллагаандаа ашиглах зорилгоор тус газрын үйл ажиллагааны талаарх статистик мэдээ агуулсан эмхэтгэлийн төслийг бэлтгэв. Тус эмхэтгэлийн төсөлд Буянт-Ухаа боомтод олгосон виз, түр ирэгчийн

бүртгэл, хасалт, оршин суух зөвшөөрлийн хасалт, захиргааны зөрчил, албадан гаргасан гадаадын иргэн, хил дээрээс буцаасан иргэний талаарх 2016, 2017, 2018 /2018 оны тоон мэдээг эхний хагас жилийн байдлаар тусгасан/ оны тоон мэдээг он, улс, зөрчлийн төрөл зэргээр ангилсан болно.

Үүнээс гадна байгууллагын чиг үүргийг “Чингис хаан” ОУ-ын нисэх буудалд хэрэгжүүлэхэд тус газрын албан хаагчид өдөр тутам гадаадын иргэдтэй харилцдаг тул боомтод өдөр тутам хэрэглэгддэг 200 орчим үг, өгүүлбэр оруулсан англи-монгол хэлний ярианы дэвтрийн төслийг боловсруулсан.

Дээр дурдсан эмхэтгэл болон англи-монгол хэлний ярианы дэвтэрт тус газрын даргаас өгсөн чиглэлийн дагуу холбогдох мэдээллийг нэмж тусгасны дараа хэвлүүлж албан хаагчдад хүргэхээр ажиллаж байна.

ГИХГ-ЫН БУЯНТ-УХАА ДАХЬ ГАЗАР